

# Schnitzelbank Sabrenas 2018

[www.sabrenas.ch](http://www.sabrenas.ch)

## Gmeindrotswahle

Der Jean Frey het einiges probiert,  
sich aktiv für die Gmeind engagiert.  
D'Wähler düönd ihn trotzdem abstrofe,  
sie wähle nur die, wo tief und friedlich schlofe.

## Selfiewahn

Chürzlich haut's mi völlig us der Bahn  
weg dem blöde, gschissne Selfiewahn.  
Bim Fötele vu vorne, sitlich, obe, unde,  
ha ich e arschloch voller Hämoride gfunde.

## Fake News

Als Erfinder wird er bezeichnet,  
der Donald Trump, de dofi Sack usgrechnet.  
Au das stimmt nit, wie viele andri Sache,  
will mir Bänkler scho länger Fake News mache.

## Primat - Mensch - Handymat

Uf zwei Bei und nit uf allne Viere,  
schlieche sie ume, düönd vor sich ane stiere.  
Bim fründlich Grüösse löhnd sie dich allei,  
will sie no kei App zum Grüözisäge hei.

## Fake News à la Suisse

Siebzg Fränkli, ä Beträgli zum Gröhle,  
solle 's Sozialsystem ushöhle.  
De Saich wo die in Bern zämmeschnure,  
mit siebzg Stutz poschte – do muösch ins Dütsche dure.

## Wetterprognose

Isch doch gliich, wenn's nüme richtig schneit,  
ä Sturm der halb Wald uf der Ranze gheit.  
Weg der Erderwärmig? - Wer do nit lacht,  
's Wetter wird nämli allei vum Petrus gmacht.

*Finale, Chinderfasnacht, Fasnachtsfüür  
nit verpasse!*